



**Broj: 01-211/17**  
**Vareš, 30.10.2017. godine**

**Z A P I S N I K**  
**sa 10. sjednice Općinskog vijeća Vareš,**  
**održane 28.09. 2017. godine**

Kenan Kamenjaš – predsjedavajući Općinskog vijeća Vareš, otvorio je 10. sjednicu s početkom u 14,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

**Odsutni: Mario Marošević.**

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, šef Kabineta Općinskog načelnika gosp. – Ibrahim Spahić, pomoćnici općinskog načelnika – gosp. Čedomir Jelić i gosp. Rusmir Berberović, predstavnik OSCE-a ured u Travniku – gosp. – Marijanac Mladen, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 9. sjednice OV održane 27.07. 2017. godine. Na 9. sjednici OV je donijelo jedan (1) zaključak koji se odnosi na usvajanje polugodišnjeg Izvještaja o izvršenju budžeta Općine Vareš za 2017. godinu. Postavljeno je dvanaest (12) vijećničkih pitanja. Na sva postavljena pitanja odgovoreno je usmeno i dostavljeni su pismeni odgovori podnosiocima vijećničkih pitanja.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne da je zadovoljan sa društvenim i turističkim aktivnostima koje su se dešavale u toku ljeta na našoj općini. Upoznao je prisutne i javnost sa aktivnostima koje se odnose na pokrenutu proceduru prodaje objekta „Doli“, objekta „Stacionar“ u Vareš Majdanu, zamjenom nekretnina S-30 (magacin TO) sa firmom Alma–Ras, problematikom i pokrenutim stečajem TRD Vareš, kao i radovima na sanaciji puteva na području općine Vareš.

Predsjedavajući OV skrenuo je pažnju na član 77. Poslovnika o radu OV koji se odnosi na trajanje izlaganja.

## *(Vijećnička pitanja)*

### **Elvir Rožajac**

1. Kada će se u ulici Zukići očistiti divlja deponija smeća? (o postavljenom pitanju dao dodatno objašnjenje)
2. Zašto stanovništvo nije putem oglasnih ploča obaviješteno o redukciji vode?

### **Safeta Muftić**

3. Pitanje uputila autoprevozniku „Ljaljić turs“: Postoji li mogućnost da se u periodu od 14h-16h obezbijedi prevoz za relaciju Vareš-Vareš Majdan?

### **Fadila Turki**

4. Da li se relacija prevoza Vareš-Vareš Majdan može produžiti i do Selišta u Varešu?
5. Da li se može regulisati rad javnih rasvjeta u gradu, jer iste rade i kada nije potrebno? (o postavljenom pitanju dala je dodatno obrazloženje)

### **Kruno Ridić**

6. Pitanje uputio načelniku: Kada možemo očekivati da podnesete Vaš program rada za naredne četiri godine? (član 38. Statuta)
7. Pitanje uputio načelniku: Da li planirate u narednom periodu posjetiti MZ Duboštica, i postoji li mogućnost da se angažuje mehanizacija PJ „Šumarija Vareš“ kako bi se očistili kanali u ovoj mjesnoj zajednici? (o postavljenom pitanju dao je dodatno obrazloženje)

### **Adis Čizmo**

8. Pitanje uputio PS Vareš: Zašto još uvijek nisam dobio odgovor na postavljeno vijećničko pitanje sa prošle sjednice OV, a koje glasi: Zašto se na sportskom igralištu toleriše parkiranje motornih vozila, kada na istom postoji saobraćajni znak zabrane parkiranja?
9. Kada će se izvršiti uklanjanje stabla koje se obrušilo na stambeni objekat „E-4“ i kao takvo predstavlja opasnost za stanare?

### **Alma Kamenjaš**

10. Pitanje uputila PS Vareš: Da li ste u mogućnosti da dnevni raspored stacioniranog radara u MZ Dabravine pomjerite na najfrekventniji period : od 15 sati i 30 minuta do 17 sati i 30 minuta? (o postavljenom pitanju dala je dodatno obrazloženje)

### **Demo Kevrić**

11. Pitanje uputio menadžmentu JKP Vareš: Kada ćete izgraditi niše za kontejnere u mjesnim zajednicama na području općine Vareš?
12. Kada će se u MZ Kokošići osposobiti prostorije koje su namjenjene za terensku ambulantu i prostorije za osnovnu školu?

### **Nedžad Mušanović**

13. Pitanje uputio načelniku: Kada će se završiti radovi na osnovnoj školi u MZ Ravne i kada će djeca dobiti osnovna sredstva za održavanje nastave na časovima Tjelesnog odgoja?
14. Kada će se početi raditi na projektu rasvjete za MZ Ravne i Zubeta? (o postavljenom pitanju dao je dodatno objašnjenje)

### **Branko Romić**

15. Kada će se urediti put na relaciji od Ambulante Doma zdravlja Vareš Majdan do ulice Čamilov potok? (o postavljenom pitanju dao je dodatno obrazloženje)
16. Da li se mogu pronaći rješenja za ispravnost pitke vode u osnovnim školama na području općine Vareš? (o postavljenom pitanju dao je dodatno obrazloženje)

### **Dženan Džafo**

17. Da li Općina Vareš može uzeti aktivniju ulogu u rješavanju problematike koja se odnosi na cijenu mjesečne karte za relaciju Budoželje-Vareš? (o postavljenom pitanju dao je dodatno obrazloženje)

### **Nikola Šimić**

18. Kada će se izvršiti elektrifikacija u MZ Borovica u zaseoku Osredak, kao i u svim zaseocima na području općine u kojima još uvijek nema struje? (o postavljenom pitanju dao je dodatno obrazloženje)

### **Emir Islamović**

19. Pitanje uputio komunalnom inspektor: Kada će se sa lokacije kod K-objekata ukolniti napuštena auta u koje vlasnik odlaže smeće i koja predstavljaju izvor zaraze na ovoj lokaciji?

### **Mirnes Ajanović**

20. Pitanje uputio načelniku: Kada će se urediti put u MZ Planinica i kada ćete posjetiti ovu mjesnu zajednicu?

Općinski načelnik dao je usmene odgovore na postavljena vijećnička pitanja.

Predsjedavajući OV stavio je na raspravu Zapisnik sa 9. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 9. sjednice OV i nakon izjašnjavanja vijećnika konstatuje da je **jednoglasno sa (17 glasova „ZA“) usvojen Zapisnik sa 9. sjednice OV.** (odsutan Đemo Kevrić)

Predsjedavajući OV stavio je na raspravu prijedlog dnevnog reda za 10. sjednicu OV koji je usaglašen na Kolegiju Općinskog vijeća.

Općinski načelnik Zdravko Marošević predložio je dopunu dnevnog reda sa tačkom 1. „Prijedlog Odluke o načinu i uslovima raspolaganja nekretninom“. O istom je dao pojašnjenje u ranijem izlaganju.

Predsjedavajući OV stavio je na izjašnjavanje prijedlog dopune dnevnog reda današnje sjednice sa tačkom 1. „Prijedlog Odluke o načinu i uslovima raspolaganja nekretninom“.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan Đemo Kevrić) usvojena dopuna dnevnog reda 10. sjednice.

Predsjedavajući OV stavio je na izjašnjavanje prijedlog dnevnog reda za 10. sjednicu OV sa prihvaćenom dopunom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan Đemo Kevrić) **usvojen sljedeći**

#### ***Dnevni red:***

1. Prijedlog Odluke o načinu i uslovima raspolaganja nekretninom.
  - Izvjestilac: Ermin Musa.
2. Prijedlog Odluke o dopuni Odluke o usvajanju plana parcelacije-lokalitet „Kram“.
  - Izvjestilac: Ermin Musa.
3. Izvještaj/Izvješće o realizaciji Programa rada Općinskog vijeća za prvo polugodište 2017.godine.
  - Izvjestilac: Stručna služba Općinskog vijeća i predsjedavajući Vijeća
4. Informacija o stanju u oblasti prijevoza u lokalnom i međugradskom saobraćaju na području općine Vareš.
  - Izvjestilac: Ermin Musa
5. Informacija o stanju lokalne i regionalne putne mreže na području općine Vareš.
  - Izvjestilac: Ermin Musa
6. Informacija o rekonstrukciji i izgradnji regionalnog puta R444 Podlugovi-Breza-Vareš-Vijaka-Podkamenko i R444 a Vareš-Bobovac-Kraljeva Sutjeska.
  - Izvjestilac: Ermin Musa

7. Informacija o vodosnadbjevanju i odvozu smeća na području općine Vareš i održavanju javnih površina.  
- Izvjestilac: Ermin Musa
8. Informacija o stipendiranju i stipendistima općine Vareš u 2016/2017. godini  
- Izvjestilac: Čedomir Jelić
9. Tekuća pitanja

**Ad. 1.**

*(Prijedlog Odluke o načinu i uslovima raspolaganja nekretninom.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninom.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA)** (odsutan Đemo Kevrić) **usvojena**

***Odluka o načinu i uslovima raspolaganja nekretninom.***

**Ad. 2.**

*(Prijedlog Odluke o dopuni Odluke o usvajanju plana parcelacije-lokalitet „Kram“.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Kruno Riđić i Općinski načelnik Zdravko Marošević koji je dao odgovor vijećniku Kruni Riđić u vezi visine cijene 1m2 zemljišta.

Zaključena je rasprava i predsjedavajući OV stavio je na izjašnjavanje Prijedlog Odluke o dopuni Odluke o usvajanju plana parcelacije-lokalitet „Kram“.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan vijećnik Mirnes Ajanović) **usvojena**

***Odluka o dopuni Odluke o usvajanju plana parcelacije-lokalitet „Kram“.***

### **Ad.3.**

*(Izveštaj/Izvešće o realizaciji Programa rada  
Općinskog vijeća Vareš, za prvo polugodište 2017. godine.)*

Sekretar OV Leon Pavlović dao je dodatno pojašnjenje za ovu tačku dnevnog reda.

U svom obraćanju izvijestio je Vijeće da će godišnji Izveštaj o realizaciji Programa rada OV biti sveobuhvatniji i detaljniji .

Otvorena je rasprava u kojoj su svoja mišljenja, pitanja i stavove iznijeli vijećnici: Đemo Kevrić, Branko Romić i Kruno Riđić.

Sekretar OV Leon Pavlović dao je odgovor na postavljeno pitanje vijećnika Krune Riđić koje se odnosi na Izveštaj o radu mjesnih zajednica. (na osnovu Zaključka OV Izveštaj su dostavili MZ Dragovići i Duboštica, isti će se razmatrati kad i ostale mjesne zajednice dostave izvještaje).

Zaključena je rasprava i predsjedavajući OV stavio je na izjašnjavanje Izveštaj/Izvešće o realizaciji Programa rada Općinskog vijeća Vareš, za prvo polugodište 2017. godine.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen**

***Izveštaj/Izvešće o realizaciji Programa rada  
Općinskog vijeća Vareš, za prvo polugodište 2017. godine.***

### **Ad.4.**

*(Informacija o stanju u oblasti prijevoza u lokalnom  
i međugradskom saobraćaju na području općine Vareš.)*

Otvorena je rasprava u kojoj su svoja mišljenja, stavove, primjedbe i pitanja iznijeli vijećnici: Mirnes Ajanović, Đemo Kevrić, Kruno Riđić, Mario Mirčić i Branko Romić.

Općinski načelnik Zdravko Marošević u svom obraćanju skrenuo je pažnju na problem u vezi prijevoza građana i učenika, te naglasio da je prijevoz učenika osnovnih škola u nadležnosti Ministarstva obrazovanja i da Općina Vareš kao lokalna zajednica može tražiti od nadležnih (prijevoznika) da se autobusi dovedu u adekvatno stanje. O istom je dao pojašnjenje i izjavio da će sa iznesenim primjedbama u raspravi upoznati prijevoznika „Ljaljić Tours“ kao i „Centrotransu“Eurolines d.d. Sarajevo uputiti dopis u kome će se navesti primjedbe građana.

Zaključena je rasprava i predsjedavajući OV konstatuje **uz Zaključak da će Općinski načelnik obaviti razgovor sa prijevoznikom „Ljaljić Tours“ i da je Vijeće primilo k znanju**

***Informaciju o stanju u oblasti prijevoza u lokalnom  
i međugradskom saobraćaju na području općine Vareš***

## **Ad.5.**

*(Informacija o stanju lokalne i regionalne putne mreže na području općine Vareš.)*

Općinski načelnik Zdravko Marošević dao je dodatno pojašnjenje za ovu tačku dnevnog reda i u svom obraćanju upoznao je Vijeće i javnost da je dana 27.09. 2017. godine obavio razgovor sa ministrom gosp. Fahrudinom Brkić u kojem ga je ministar izvijestio da će početi sanacija dijela regionalnog puta R444 A (Vijaka- Podkamensko) i upoznao sa planiranim radovima za narednu godinu na regionalnom putu.

Otvorena je rasprava u kojoj su svoja mišljenja, pitanja i primjedbe iznijeli vijećnici: Alma Kamenjaš, Elvir Rožajac, Đemo Kevrić i Mirnes Ajanović.  
*(zamjenik predsjedavajućeg OV preuzeo je vođenje sjednice)*

U daljnjoj raspravi je učestvovao vijećnik Mirnes Ajanović.

Vijećnici su u svom izlaganju iznijeli problematiku stanja lokalnih i regionalnog puta s akcentom na oštećenje puteva koje je nastalo uslijed pretovarenosti kamiona koji saobraćaju tim putevima.

Za riječ se javio Općinski načelnik i u svom obraćanju odgovorio na pitanja vijećnika postavljena u raspravi.

Zaključena je rasprava i zamjenik predsjedavajućeg OV konstatuje uz **Zaključak da je Vijeće primilo k znanju**

***Informaciju o stanju lokalne i regionalne putne mreže na području općine Vareš***

## **Ad.6.**

*(Informacija o rekonstrukciji i izgradnji regionalnog puta R 444 Podlugovi-Breza-Vareš Bobovac-Kraljeva Sutjeska.)*

Otvorena je rasprava u kojoj je svoje mišljenje po ovoj tački dnevnog reda iznio vijećnik Čizmo Adis i sugerisao da Općinski načelnik i Vijeće u skladu sa svojim mogućnostima pokušaju urgirati kod Direkcije za ceste ZDK da uzmu u razmatranje proširenje regionalnog puta prema Brezi. O istom je dao pojašnjenje.  
*(sjednicu je nastavio voditi predsjedavajući OV)*

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informaciju o rekonstrukciji i izgradnji regionalnog puta R 444 Podlugovi-Breza-Vareš Bobovac-Kraljeva Sutjeska.***

#### **Ad.7.**

*(Informacija o vodosnadbijevanju i odvozu smeća na području općine Vareš i održavanju javnih površina.)*

Otvorena je rasprava u kojoj su svoja mišljenja, stavove, prijedloge i pitanja iznijeli vijećnici: Kruno Ridić, (skrenuo pažnju na nedostatak kontejnera), Emir Islamović (sugerisao da se prilikom izrade slijedeće informacije u istu uvrste podaci o vodosnadbijevanju i vodovoda sa kojima ne upravlja JKP d.o.o. Vareš), Mirnes Ajanović (na osnovu podatka navedenog u Informaciji da su od 10.09.2017. godine prestale ugovorene obaveze i JKP d.o.o. Vareš ne vrši odvoz smeća sa općine Breza, zatražio je da Vijeće na jednoj od narednih sjednica OV završi sa procedurom Inicijative vijećnika SDP i Zaključkom OV po istoj), Đemo Kevrić (postavio je pitanje u vezi izrade niša za kontejnere i ukazao na nedostatak istih).

Općinski načelnik Zdravko Marošević u svom obraćanju izjavio je da će nastojati da u narednom periodu i u skladu sa finansijskim mogućnostima izvrši sanaciju određenih javnih površina (spomenika). Upoznao je prisutne sa planiranim radovima na vodovodima (Vijaka, Pogar) za koje je potpisan Ugovor o donaciji sredstava od strane Republike Hrvatske.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

*Informaciju o vodosnadbijevanju i odvozu smeća na području općine Vareš i održavanju javnih površina*

#### **Ad.8.**

*(Informacija o stipendiranju i stipendistima općine Vareš u 2016/2017. godine.)*

Ovlašteni predlagatelj nije imao dodatno pojašnjenje po ovoj tački dnevnog reda.

Nije bilo rasprave po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

*Informaciju o stipendiranju i stipendistima općine Vareš u 2016/2017. godine*

Predsjedavajući OV dao je pauzu u trajanju 10 minuta kako bi se vijećnici upoznali sa sadržajem dopisa koji je dostavljen na sjednici OV, a koji će Vijeće razmatrati po tačkom „Tekuća pitanja.

Nastavljeno je sa radom sjednice.



## Ad.9

( Tekuća pitanja)

1. Predsjedavajući OV upoznao je Vijeće sa „Peticijom za noćni mir“ građana Vareša iz ulica Zvijezda, Pruga i Put mira od 08.08.2017. godine koja se odnosi na ugostiteljski objekat „Konoba“.

Općinski načelnik Zdravko Marošević u svom obraćanju iznio je svoje mišljenje o problemu koji su navedeni u dopisu-peticiji građana (preglasna muzika) i izjavio da neopravdava situaciju koja narušava javni red i mir građana o čemu je dao i pojašnjenje.

Predsjedavajući OV je na osnovu izlaganja Općinskog načelnika u kome je zatražio od Vijeća da se donese zajednički stav po dostavljenoj peticiji *predložio Zaključak da Općinski načelnik sa svojim službama vodi računa o izdavanju dozvola i rješenja za prekovremeni rad ugostiteljskih objekata, a sve u cilju zaštite građana koja se odnosi na narušavanje javnog reda i mira, te da se rješenja izdaju vlasnicima ugostiteljskih objekata koji se pridržavaju odredbi Odluke koja reguliše radno vrijeme u određenim djelatnostima.*

Vijećnik Mario Mirčić podsjetio je prisutne da u gradu postoje ugostiteljski objekti koji imaju drugi tretman kao djelatnost (diskoteka „City bar“ i „Konoba“), *te je predložio da ukoliko se nastavi narušavati javni red i mir, što treba da ustanovi PS Vareš, da im se preispita Rješenje o radu.*

Predsjedavajući OV je na osnovu iznesenih prijedloga predložio i stavio na izjašnjenje sljedeći prijedlog

### **Zaključka:**

**Zadužuje se Općinski načelnik i nadležne službe da u saradnji sa Policijskom stanicom Vareš u narednom periodu donesu zaključak, ukoliko se nastavi sa narušavanjem javnog reda i mira od strane ugostiteljskih objekata, da se preispita Odluka o radnom vremenu u određenim djelatnostima. Vlasnicima ugostiteljskih objekata koji svojim radom budu narušavali javni red i mir uputiti će se opomene, te preispitati Rješenje o radu od strane nadležne institucije.**

Nakon izjašnjenja vijećnika predsjedavajući OV konstatuje da je predloženi **Zaključak jednoglasno sa (18 glasova „ZA“) usvojen**

2. Predsjedavajući OV upoznao je Vijeće sa Obavijesti o stanju prometnice Vijadukt-Daštansko od MZ Pržići broj: 01/17 od 20.09.2017. godine.

Općinski načelnik javio se za riječ i izjavio da će se u narednom periodu raditi na sanaciji prometnice Vijadukt-Daštansko.

3. Predsjedavajući OV upoznao je Vijeće sa Obavijesti o zaključcima sastanka Savjeta mjesne zajednice Budoželje sa roditeljima učenika srednjoškolaca koji vozare autobusom „Ljaljić tours“ od 13.09.2017. godine i sa dopisom predstavnika učenika srednje škole – vozari Budoželja (Islamović Faris i Musa Dženan) od 28.09.2017. godine.

Općinski načelnik je izjavo da će u narednom periodu raditi na rješavanju problematike u vezi prijevoza građana i učenika i visine cijene mjesečne karte o čemu će biti obaviješteni i da je već zakazan sastanak po ovom pitanju.

4. Predsjedavajući OV upoznao da je grupa radnika TRD Vareš uputila Općinskom vijeću dopis-reakciju na trenutno stanje u TRD Vareš od 27.09.2017. godine. Sa dopisom je upoznat Općinski načelnik koji je u svom obraćanju ponovio naglasio da nastala situacija u TRD nije u nadležnosti Općine Vareš jer je tvornica privatno vlasništvo, ali da će raditi na zaštiti radnika u skladu sa svojim mogućnostima, o čemu je dao i pojašnjenje.

U raspravi su učestvovali vijećnik Kruno Ridić (predložio da Vijeće održi tematsku sjednicu u vezi pokrenutog stečajnog postupka u TRD), Općinski načelnik Zdravko Marošević i predsjedavajući OV Kenan Kamenjaš (upoznao prisutne sa sprovedenim aktivnostima Općine Vareš i predsjedavajućeg OV u vezi iznalaženja nastalog problema u TRD.)

5. Predsjedavajući OV upoznao je prisutne da je u toku današnje sjednice Medžlis islamske zajednice Vareš, dostavio Vijeću Zahtjev za očitovanje Općinskog vijeća Vareš, broj 02-09-SE-220/17 od 28.09.2017. godine zbog „...*verbalnih napada kojima je Glavni imam Medžisa IZ Vareš bio izložen, a čiji inicijator je član Općinskog vijeća Vareš, Mirnes Ajanović (SDP)....*“ (kopija dopisa je podijeljena svim vijećnicima). Predsjedavajući OV upoznao je prisutne sa dijelom sadržaja dopisa. Skrenuo je pažnju na član 17. Statuta Općine Vareš.

Za riječ se javio vijećnik Mirnes Ajanović koji je u svom obraćanju upoznao prisutne i javnost sa sadržajem statusa na svom facebook profilu (na koji se Medžlis IZ Vareš pozvao u dopisu) i o istom iznio svoje mišljenje, te naglasio da nije imao namjeru, kako je u dopisu navedeno, da svojim statusom izazove netrpeljivost, mržnju i iniciranje napada na glavnog imama.

Za riječ se javio Općinski načelnik Zdravko Marošević koji je iznio svoje mišljenje u vezi nastalog problema i zamolio javnost i sve ostale da pokušaju smiriti nastalu situaciju.

Vijećnik Emir Islamović ispred Kluba SDA izjavio je da Klub osuđuje napad na glavnog imama IZ Vareš i traži da se u vezi nastale situacije izjasni Etička komisija stalno radno tijelo Općinskog vijeća Vareš.

Vijećnik Mario Mirčić iznio je stav Kluba HDZ da se po predmetu očituje Etička komisija.

Vijećnik Branko Romić iznio je stav Kluba SDP da se po predmetu očituje Etička komisija.

Vijećnica Safeta Muftić iznijela je stav Kluba SBB da se po predmetu očituje Etička komisija.

Vijećnik Đemo Kevrić iznio je svoj stav da se po predmetu očituje Etička komisija.

Predsjedavajući je predložio je i stavio na izjašnjavanje sljedeći prijedlog

**Zaključka:**

**Zahtjev Medžisa islamske zajednice Vareš, broj 02-09-SE-220/17 od 28.09.2017. godine prosljeđuje se Etičkoj komisiji na razmatranje. Zadužuje se Etička komisija da zaključak po dopisu, Vijeću dostavi za narednu sjednicu Općinskog vijeća.**

Nakon izjašnjavanje vijećnika predsjedavajući OV konstatuje da je **jednoglasno sa (18 glasova „ZA“) usvojen Zaključak.**

Sekretar OV Leon Pavlović upoznao je prisutne sa Zaključkom Kolegija OV, da će se obuka za nove vijećnike od strane SOGFBIH organizovati isti dan kada se bude održavala 11. sjednica OV.

Sastavni dio ovog Zapisnika je audio zapis sjednice.

Sjednica je završena u 18,30 sati.

***SEKRETAR***

**Leon Pavlović**

***PREDSJEDAVAJUĆI  
OPĆINSKOG VIJEĆA***

***ZAPISNIČAR***

**Azra Ibrahimović**

**Kenan Kamenjaš**